



JOSE: "A ESTE EQUIPO FÁLTALLE ACTITUDE"

Jose (Buluba) con trece temporadas seguidas no primeiro equipo é un dos veteranos do Numancia. Xogador temperamental, ao que nunca lle gusta perder, foi un dos artífices da vitoria do pasado domingo contra o Cedeira. - Jose, empezaches a temporada lesionado. Costouche entrar no equipo?

- Si, tiven unha rotura no xemelgo e cando me recuperei, Juan xa tiña o equipo formado, así que para entrar tiven que gañar o posto.

- Como te encontrais agora?

- Ben, recuperado totalmente e fisicamente a tope.

- Lateral, extremo, interior, onde te encontrais más cómodo?

- De extremo, sempre xoguei aí e gústame máis atacar que defender.

- Goleador?

- Tiven temporadas de doce goles; o ano pasado metín oito e esta temporada tamén espero meter algúin.

- Cantas temporadas che quedan?

- Non o sei. Depende de moitos factores, por exemplo, de que haxa un equipo que de principio teña aspiracións a pelexar polo título. De momento espero seguir.

- O partido contra o Cedeira, o equipo estaba moi motivado. Houbo "conxura" no vestiario?

- Si, falouse de que tiñamos que cambiar de actitude, poñer más gañas. Ademais sabiamos que o Cedeira era un equipo moi complicado e que se non cambiabamos de actitude non sacariamos adiante o partido.

- Ten equipo o Numancia para estar arriba?

- Bastante equipo, para mim este Numancia tiña que aspirar a gañar a liga.

- Que lle falta entón ao equipo?

- Actitude, a este equipo fáltalle actitude. Comezamos moi ben pero a raíz do partido co Meirás viñémonos abaiixo, non sei se por ansiedade ou porqué.

- Mañá ven o Capela, que vaticinas?

- Debemos xogar coa mesma actitude cá do Cedeira

- Que sabes do rival?

- Sabemos que ten un dianteiro, Álex, que o ano pasado nos meteu catro goles e que é bastante perigoso.

- E o Numancia, como afronta este partido?

- Con gañas despois do último partido. Temos moitas gañas de sacar esta situación para adiante.

- Como ves esta 2ª autonómica?

- Moi igualada. Menos os dous primeiros que están destacados, o resto estamos moi igualados.

- Que xogadores destacarías nesta categoría?

- O que más me gusta é Álex do Cedeira, un xogador técnico e moi completo. Tamén está

Sebas, do Valdoviño.

A convocatoria completa para este partido Numancia – A Capela é a seguinte:

Sergio, Kiko, Fernando, Bule, Jauma, Pedro, Antón, Vicente, Javi, García, Teti, Carlitos, Jose, Julio, Manu e Pedrito.

Seguen de baixa por lesión: Oli e Borja.